



Broj: 03-45-1-262/24
Maglaj, 20.01.2024.godine

OPĆINSKO VIJEĆE MAGLAJ

Predmet: Prijedlog Izmjene i dopune Statuta Općine Maglaj, dostavlja se,-

Uzimajući u obzir svu problemaiku funkcionisanja i rada mjesne zajednice, a posebno Mjesne zajednice Maglaj grad, te problematike u obavljanja redovnih poslova i zadataka ove mjesne zajednice, uzimajući u obzir i problematiku realizacije aktivnosti zakonskim i drugim normativno-pravnim aktima određenih za koje je neophodna koordinacija sa mjesnim zajednicama, uzimajući u obzir obavezu pružanja pomoći u radu i funkcionisanju mjesnih zajednica, predlažemo Općinskom vijeću Maglaj da se izvrši Izmjena i dopuna Statuta Općine Maglaj, na način da se Izmjene i dopune članovi 92. i 93. Statuta Općine Maglaj („Službene novine Općine Maglaj“ broj 08/07, 03/08 i 06/08).

Na osnovu navedenog dajemo sljedeći Prijedlog za Izmjenu i dopunu Statuta Općine Maglaj.

Član 92. Da se mijenja i glasi:

Član 92 a.

Odluku o osnivanju mjesne zajednice donosi Općinsko vijeće na inicijativu Općinskog vijeća. Mjesna zajednica osniva se na način i po postupku utvrđenim ovim Statutom i Statutom mjesne zajednice.

Član 92 b.

Inicijativu za izdvajanje dijela (naseljenog mjesta ili više naseljenih mjesta) mjesne zajednice i spajanje mjesne zajednice sa drugom mjesnom zajednicom u cilju osnivanja nove mjesne zajednice može dati Općinsko vijeće, Općinski načelnik ili najmanje 20% birača od ukupno upisanih birača u birački spisak naseljenih mjesta za čije se područje predlaže osnivanje mjesne zajednice.

O inicijativi za izdvajanje dijela (naseljenog mjesta ili više naseljenih mjesta) mjesne zajednice i spajanje mjesne zajednice sa drugom mjesnom zajednicom u cilju osnivanja nove mjesne zajednice glasa se javno na zboru građana ili zborovima građana postojeće MZ, a inicijativa je prihvaćena ako se za nju izjasni 50% birača ukupno upisanih u birački spisak te mjesne zajednice odnosno te postojeće MZ.

Usvojena inicijativa se dostavlja Općinskom vijeću.

Član 92c

Nakon što dobije akte iz prethodnog člana, Općinsko vijeće je dužno da u roku od 60 dana od pokrenute inicijative donese svoj stav o pravnoj valjanosti i osnovanosti pokrenute inicijative o izdvajanje dijela mjesne zajednice i spajanje mjesne zajednice sa drugom mjesnom zajednicom, odnosno spajanje mjesnih zajednica u cilju osnivanja nove mjesne zajednice.

Ukoliko Općinsko vijeće ocijeni da je procedura oko usvajanja prijedloga na zboru građana provedena na pravno valjan i demokratski način, te da postoje materijalni i ostali uslovi za pravilno i efikasno funkcionisanje mjesne samouprave putem mjesne zajednice, isto će donijeti odluku o prihvatanju inicijative za osnivanje mjesne zajednice.

Odluka o prihvatanju inicijative za osnivanje mjesne zajednice se usvoja dvotrećinskom većinom svih glasova u Općinskom vijeću.

Odluku o obrazovanju mjesne zajednice i promjene naziva mjesne zajednice donosi Općinsko vijeće po provedenom postupku izjašnjavanja građana putem referendumu.

Odluka iz prethodnog stava treba da sadrži elemente utvrđene zakonom.

Izdvajanje dijela mjesne zajednice i spajanje mjesne zajednice sa drugom mjesnom zajednicom, odnosno spajanje mjesnih zajednica u cilju osnivanja nove mjesne zajednice vrši se na način utvrđen ovim Statutom.

Član 93 da se mijenja i glasi:

Ukoliko se utvrdi da postoji problem kod funkcionisanja mjesnih zajednica, organizovanja i djelovanja građana naseljenih mjesta u mjesnim zajednicama kod kojih broj birača upisan u birački spisak prelazi 4000, te ukoliko postoje fizičke i prirodne prepreke koje mogu dovesti do problema u funkcionisanju mjesne zajednice, a u cilju efikasnijeg funkcionisanja i rada mjesnih zajednica, organizovanja i djelovanja građana naseljenih mjesta u sastavu mjesnih zajednica za koje se predlaže osnivanje mjesne zajednice, inicijativu za izmjenom Odluke o osnivanju mjesne zajednice može podnijeti Općinskog vijeće ili Općinski načelnik.

Osim podataka o podnosiocu inicijative ili predlagača za osnivanje mjesne zajednice, prijedlog sadrži podatke o:

- nazivu i sjedištu mjesne zajednice
- područje naseljenog mjesta za koje se traži osnivanje mjesne zajednice i
- obrazložen razlog podnošenja prijedloga, odnosno inicijative.

Općinsko vijeće će u roku od 60 dana zauzeti stav o odluci o prihvatanju inicijative, odnosno prijedloga za osnivanje mjesne zajednice.

Ako Općinsko vijeće prihvati inicijativu, odnosno prijedlog, zadužit će nadležnu Općinsku službu da pripremi prijedlog odluke o osnivanju mjesne zajednice.

Odluka o osnivanju mjesne zajednice sadrži: naziv naselja ili dijela naselja ili više povezanih naselja za koje se osniva, naziv mjesne zajednice, njeno sjedište i imenuje povjerenika koji u koordinaciji sa nadležnom općinskom službom organizuje izbor i imenovanje Vijeća mjesne zajednice i ostalih zakonskih obaveza koje mjesna zajednica treba da provede kako bi nesmetano funkcionisala.

Obrađivač:

Služba za boračko-invalidsku i socijalnu zaštitu

Opću upravu i društvene djelatnosti



OPĆINSKI NAČELNIK
Mirsad Mahmutagić